



UNIVERSITÄTS-
BIBLIOTHEK
PADERBORN

Universitätsbibliothek Paderborn

Imagines Sanctorvm Ord. S. Benedicti

Stengel, Carl

[Ort nicht ermittelt], M.DC.XXV

IX. Martii. S. Francisca.

urn:nbn:de:hbz:466:1-38356

SFRANCISCA Romana honestis & copiosis nata parentibus, ex Buxorū familia. A teneris vitam in orationibus & pijs operibus solitariam duxit: Laurentio Pontiano nobili Romano matrimonio contra voluntatem copulata. nunquam in publicum, nisi ad Ecclesiam prodire vifa est; semper enim in cella, post necessaria domus negotia, orando, legendo, & meditando morabatur. In eā quasi geminæ emicabant Humilitas, Obedientia, Patientia, Constantia, Abstinentia, Pietas, & Charitas. Sacra menta sæpiissimè repetebat, officium B.V.M. nunquam intermittens, deuotissimè recitaba. Societatem puellarum sub regulâ Ordinis M. Oliuetani instituit: quibus cum post viri excessum, vitam sanctissimam duxit; miraculis fulgens, in quibus parem aliquando in monasterio deficientem mirabiliter auxit. In vineâ cùm imber improvisus descenderet; illam tamen sub die officium B.V.M. recitantem non attigit. Puerum diutino morbo comitiali laborantem sanauit. Mulierem quæ fluxum sanguinis patiebatur curauit. Et alteram apoplexiâ correptam pristinæ restituit sanitati. Demùn annos LVI. nata, VII. Id. Martij anno salutis MCDXL. migravit in cælum. Multis post mortem miraculis claruit. Nam quidam inter fabricandum in prædicto puellarum monasterio, cùm ab ingenti ligno è sublimi delapso oppressus fuisset, B.Francisea commendatus illicò convaluit. Alius in capite lethaliter vulneratus, eiusdem intercessione subito sanatus fuit. Multos etiam ab Epidimiæ morbo liberauit. Ob quæ & alia Paulus V.Pont Max IV. Kal.Junij an salutis MDCVIII, solenni ritu illam Sanctorum numero adscripsit. *Ex vita eiusdem Roma impressa.*

S.FRAN-



S. FRANCISCA ROMANA ORD. S. BENEDICTI.
Oblatæ Congregationis Montis Oliveti, miraculis celebrissima,
in SS. numerum relata à S.D.N. PAVLO V. z.g. Maij Anno.
Christi M DC VIII .

Immaculata
et tota
Benedicta

F XI, MARC.